

小
腆
紀
年

小腆紀年增攷卷第十七

前翰林院檢討加詹事府贊善銜六合徐鼎謨

庚寅我

大清順治七年春正月

明永曆四年
魯監國五年

乙卯朔明桂王在肇慶府

明監國魯王在舟山

明賜李元胤爵南陽伯元胤固辭不許

王以成棟死難晉元胤車騎將軍封南陽伯元胤力辭不

許乃勉受車騎將軍印而章疏多不改元胤

攷曰陽秋云
賜元胤復姓

爲孫而請書云元胤本姓賈河南人因作假山圖或附會
爲之又紀畧載封南陽伯爲戊子十二月朔是時成棟未
死亦不應有是
封今從陽秋

丁巳我

大清兵克南雄明守將武陟伯岡可義死之

攷曰或言羅成耀可義病卒

棄韶州走尋伏誅

王師以除夕過梅嶺可義力戰死城陷成耀在韶州聞警潛逃至廣州會閣臣何吾驢輩劄赴肇慶中途爲成耀所劫王密敕李元胤討之元胤數以失守封疆縱軍擄掠之罪卽席上斬之

辛酉明桂王出奔南陽伯李元胤留守肇慶

初五日己未聞庾關不守召羣臣問備禦之策且議移蹕西幸羣臣言車駕不宜輟動給事中金堡彭任爭之尤力初李成棟疏言屢衛不待干機務馬吉翔深憾之久與元

肅共事未敢發也急欲王西幸候夏國祥趣王登舟元肅
奏曰百官皆去將委空城以待敵邪上自西來今日仍歸
西元肅留之恐宵人謂臣有異志一朝不戒生劫人舟
增肅錫前移書瞿式耜稱奉王密敕有東人擯君於掌一
朝不戒生劫人舟朕不復有東土之望云云故元肅云然
至今思之猶背負芒刺但廣東一塊土臣父成棟立功於
此殞命於此皇上若猶顧念東土臣願留督肇慶與江甯
伯杜永和互相堵禦以壯聲援此元肅之職也王手詔元
肅留守督理各營軍務時上下崩潰尙書晏清吏科丁時
魁擁厚貲者悉被劫掠瞿式耜疏曰粵東水多於山良騎
不能野合自成棟反正始有甯宇賦財繁盛十倍粵西且
肇慶去韶千里材官兵士南北相雜內可自強外可備敵

強弩乘城堅營固守亦可待勤王兵四至傳曰我能往寇亦能往以天下之大止存一隅退寸失寸退尺失尺今乃朝聞警而夕登舟將退至何地邪疏再上而王已移德慶抵梧州境矣安定伯馬寶亦拔自流賊中者領兵扈駕軍容甚肅士大夫多賢之寶陝西人

徐齋曰書元胤留守何嘉之也議者以其爲成棟養子而輕之吾謂勲戚公卿棄故君如脫屣元胤忠於所事臨危不渝人臣之義蓋無闕焉

戊辰我

大清兵復取韶州明總兵吳六奇降

攷曰海甯查孝廉伊璠識吳六奇於卡邁後從王

師征粵官至提督厚報伊璠王士禛文集皆記其事謂六奇以乞巧遇

御齋志異蔣士銓忠雅堂文集皆記其事謂六奇以乞巧遇

征粵之師途中被執獻策從戎積功至節鉞肅按諸君皆據
傳聞言之其實六奇在明時為五虎亂潮之一蹶大埔饒平
程鄉永歷帝授為南澳總兵順治七年平南王尚可喜等自
南雄下韶州六奇與碣石鎮燕利迎降臺灣外紀行在陽秋
言之歷歷安得謂乞巧迎降乎貳臣傳謂六奇豐順人少時
乞食各郡習山川險夷至是以總兵降請嚮導大軍招徠旁
邑自効蓋乞巧乃少時事查是相遇實在明也旋附義旅為
村王馳驅後人諱之而托言驥貴於興朝非實錄也附辨
此於

明兩廣總督杜永和自海口復入廣州

王師破梅嶺永和倉卒登舟出虎門元胤移檄責之乃復入城

固守

庚辰明黃士俊罷召朱天麟入閣

王之出奔也士俊坐閣中不去王念其老令回籍召天麟

入直天麟疏言年來百爾構爭盡壞實事昔宋高宗航海

猶有退步今則何地可退豈下當奮然自將使文武諸臣盡擐甲胄臣亦抽峒丁擇土豪募水手經畧嶺北湖南爲六軍倡若徒責票擬以爲主持政本試問今之政本安在乎王不能從但趣令人直而已廣州之再破也士俊與何吾驕楊邦翰李貞吳以連俱薙髮降廣州人爲詩嘲之曰君王若問臣年紀爲道今年方薙頭蓋士俊投降時年八十二也

明監國魯王命李錫祚李錫貢佐阮進守螺頭門

錫祚錫貢岐陽王文忠之裔孫也以勇力聞航海來朝故有是命

明朱成功取潮陽

知縣常望鳳降令洪旭督徵糧餉和平寨不服遣右先鎮楊才攻破之屠戮無遺不數日才暴病死成功以林勇代領其衆

三月甲申朔明桂王駐梧州

王於是三至梧州矣百官請修行臺王難之乃以舟爲官殿

明命陳邦傳高必正救廣州

廣州固守不下李元胤計誅叛將羅守誠人心益堅

丁亥明給事中丁時魁金堡蒙正發翰林院侍讀劉湘客以罪下獄尋遣戍

時李元胤留守肇慶王命陳邦傳統兵入衛五虎失勢於

是吳貞毓郭之奇萬翔程源輩咸脩舊怨與給事中張孝
起李用楫李日燁朱士鯤御史朱統鏞王命來陳光胤彭
全等疏論袁彭年等五人把持朝政罔上行私朋黨誤國
十大罪王以彭年反正有功特免議餘下錦衣獄大學士
嚴起恆請對水殿不得入率諸臣長跪沙際程源立御卅
側揚言曰金堡卽昌宗之寵方新仁傑之袍何在二語當
萬死聲達慈甯卅中蓋堡駁御史呂爾璵疏中語也攷曰呂爾璵馬吉期門下士冒入都督張鳳鳴作鳴岡受密旨欲因
台班金堡駁其疏云云是殺堡於古廟中陳刑具用厰衛故事嚴鞫之堡大呼二
祖列宗餘皆叩頭哀祈招賊數十萬獄成堡時魁並謫戍
湘客正發贖配追賊罪式未再疏爭之謂中興之初宜保

元氣勿濫刑詔獄追賊乃喜廟魏忠賢鍛鍊楊左事何可
祖而行之王頒敕布四人罪狀式相封還謂法者天下之
公也不可以蜚語飲章橫加考察開天下之疑且四人得
罪各有本末臣在政府若不言恐失遠近人望疏凡七上
不聽

戊戌我

天清兵復取武岡明奉天總督劉祿監軍御史毛養登死之馬

進忠退保靖州

攷曰養登疑卽壽登亦
作壽敦皆野史譌字

己酉我

天清兵攻明廣州

總兵吳文獻以舟師守東南門

王師不敢逼張月李建捷出城戰屢有斬獲捷書往來行在以是少安

明惠州總兵黃應杰分巡道李士璉知府林宗京執趙王由棧及郡王十三人以叛降於我

大清

士璉吉安人田仰之中軍也與潮州郝尙久投誠於我

大清輸情款督郡餉導

王師入關執趙王由棧及郡王十三人以獻凡江右宗室之寓惠州者盡殺之沒其家

王師遂長驅而進

攷口援世表趙穆王世子由松未幾薨無子以惠光王由桂之子慈懋爲嗣萬歷四十五

年薨封後無攷由松其由松由桂之異母弟歟

明新興侯焦璉帥師入衛

璉以討劫盜劉成玉帥師東下遂赴梧州初劉成玉者平樂隸也爲永國公曹志建權稅官與撫軍魯可藻之旗鼓趙玉相狼狽可藻丁艱居舟中成玉利其貲掠之璉怒討成玉成玉奔志建軍兩軍幾開瞿元錫謂志建曰方今天子蒙塵強敵四逼惟藉羣公固廉簡之交繼桓文之業乃忘大仇而修細隙天下後世其謂之何哉志建悟杖殺成玉事始解然主將讞雖釋而衆軍士益如水火

我
上師之襲平樂也將士疑爲志建兵殊無鬪志以致於敗

大清兵克甯都明監察御史徐伯昌兵部員外郎彭鋠死之

金聲桓敗歿

王師徇江西郡縣自揭重熙傅鼎銓余應桂曹大鎬張自盛諸義師抗拒外嬰城不下者則甯都爲著徐伯昌字子期新城人崇禎庚午舉於鄉隆武帝授兵部主事遷監察御史奉命督江西義旅自新城廣昌抵甯都

王師圍之經年不拔城破自經大書於壁曰讀聖賢書但知守經死不知達權生時庚寅二月十日也先春奉父命單妻匿山中復返入之同及於難彭銳字劍伯甯都諸生嘗從楊廷麟治兵授兵部員外郎廷麟敗以幼子爲屬銳厚撫之及甯都被圍置酒訣親故曰此城必破我義不辱且我與楊公事久當死所以不死以楊氏孤也今孤少長我死

必無虐忠臣後者索衣冠燒燭於庭呼妻李氏冠帔出北面再拜引繩就東西偏各自經死

明總督鳳陽義軍兵部尙書王燭與

天清兵戰敗被執不屈死之

燭奉命總督義軍帥衆連戰潛山太湖間兵敗俘至江甯不屈死於是皖省義師畧盡矣

三月己未卯刻日赤如血

我

大清兵克永州之龍虎關明總兵向明高姚得仁戰死曹志建奔灌陽推官唐誼被執不屈死之

誼字正之武陵人父紹堯忤魏忠賢下獄誼年十四負鎖

請代人稱其孝考授推官隨父任汝南陝西勦寇有功父
臨終命誼及其弟誠毀家勤王誠字存之崇禎癸未進士
官少詹事助瞿式耜守桂林進文淵閣大學士督五省義
師與何騰蛟相犄角湘潭破奔肇慶誼留楚奉母保龍虎
關與粵中相應我鎮帥馬蛟麟襲之全家被執脅誼作書
招誠誼大罵見殺蛟麟乃執其母入粵誠號泣上印殺自
囚贖母蛟麟禮而釋之或爲之於

朝

誠作詩謝之曰無如世相韓此義不忍絕遂隱秦人山以終

次弟訪字周之以桂林

精中崇禎壬午鄉試第一式耜薦

授翰林院庶吉士掌制

亦奉命入楚聯絡各鎮知不可

爲乃痛哭祝髮病食苦

山

攷日本元
湘耜書集

夏四月明考選朝官

詔行考選而與選者多不協人望朱士焜補吏科給事中
董雲驤補御史潘駿觀補職方主事雲驤謝恩時伏地不
能起殞於御舟駿觀無朝冠以便服行禮奪職

我

天清兵入郴州明巡撫黃順祖總兵林國瑞戰死

明嚴起恒罷召王化澄入閣

吳貞毓等十四人之合疏糾五虎也將寘之死以起恒數
爲丁時魁金堡所指摘意必乘機下石而起恒顧力救之
因大惡起恒合詞請召王化澄入閣給事中雷得復劾起
恒二十餘罪比之嚴嵩王不悅奪得復官起恒力求罷斥

王挽留至再不得放舟竟去

明朱成功攻揭陽之新埤寨降之

成功以施郎爲左先鋒鎮弟顯貴爲右先鋒鎮黃廷爲援
勦右鎮王秀奇戎旗鎮甘輝親丁鎮是月復至揭陽攻新

埤寨寨長乞輸餉許之尋詔安人萬禮有衆數千因施郎

以降

攷曰萬禮卽
張禮辨見後

五月明郎國公高必正興平侯黨守素南陽伯李元胤朝於
梧州詔嚴起恆入閣

時興國公李赤心已死兵權歸必正守素二人以兵五千
入衛於五月十三日抵梧朝臣郊迎四十里牛酒犒師必
正大悅貞毓欲藉以傾起恆爲言朝事壞於五虎主之者

嚴起恆公入見請除君側奸數語卽決矣庶吉士錢秉銓
起恆門生也時在坐笑謂必正曰五虎攻嚴公嚴公勸力
救五虎此長者柰何以爲奸必正大悟次日對水殿言起
恆虛公可任金堡等處分過當請手敕追還起恆入閣越
二日元胤自肇慶來慈甯王太后垂簾王東向召三帥同
對元胤伏地請死曰金堡等非臣私人有罪不處分於端
州必俟到此地是以臣與堡等爲黨也向以封疆事急不
敢請罪今事稍定請正臣罪王慰勉再三曰卿大忠大孝
朕不疑卿元胤曰皇上既不疑臣何爲以處四臣之故賜
臣敕書令臣安心辦事乎太后遽曰卿莫認堡等爲好人
卿如此忠義他卻謗卿謀反元胤曰謗臣謀反有本乎面

奏乎抑傳言乎王不能答必正曰皇上重處堡等是也但處堡等之人不如堡等處堡等之後亦無勝於堡等之事太后曰只滇封一事豈非金堡誤國諸臣乃不敢對已復面質王化澄徇私置黨化澄窘甚申訴不能成語王爲解之

明改成金堡於清浪衛

王召對廷臣忽曰金堡畢竟是君子是小人再問無對者明日錢秉鐙疏言臣昨侍班次惡堡者皆在列而皇上再問無對者則天良難滅堡之不爲小人可知堡受刑最重左腿已折相隨一僕復墮水死今遠戍金齒以孑然殘廢之身蹢躅於荒郊絕域之外去必不到到亦必死雖名生

之實殺之也乞量改近邊乃改清浪衛高必正贈堡白金
爲藥資不受馬寶自德慶來親爲洗創堡竟不死爲僧二
十餘年而終

徐肅曰堡寒寒自命循資格拘小數僨事有餘救時無濟
仁傑昌宗云云出語不倫尤失人臣之禮孔子曰好信不
好學其蔽也賊好直不好學其蔽也絞其堡之謂歟

明詔中書科非軍國大事本章不許封進

科臣張孝起李用楫與御史廖永亨互訐太后語王傳諭
中書科科道本章不許封進王曰是絕言路也軍國大事
許非時進其餘不許擅封

明陳邦傳襲高必正營必正西走

必正朝回邦傳嘆其不附已潛遣兵襲其老營必正請援於桂林瞿式耜命滇營總兵劉崇貴駐柳慶遙爲聲援王聞之敕邦傳諭以和好

明馬寶襲清遠以救廣州不克

時清遠參將酈文龍東莞總兵張道瀛參將張善南雄副將覃養志等俱降

明以兵部左侍郎萬翱掌部事起復魯可藻爲兵部侍郎明晉封焦璉宣國公胡一青衛國公曹志建保國公

萬翱久爲五虎所抑可藻亦以瞿式耜疏劾失職五虎敗翱掌中樞可藻以附吳貞毓升樞貳思結援於諸勳因有是命時諸帥喪師失地朝廷不能問惟寬假之而已

明封廣州總督杜永和等爲侯

廣州東南二面距珠江惟西城爲山麓永和樹木城疊石守之濬三濠通海潮泥淖不能攻

王師長圍困之暑雨蒸溽弓弦解膠幾欲退師而高必正兵已西走陳邦傳馬寶戰敗李元胤駐兵三水觀望不敢前圍愈急萬鄂魯可藻一籌莫展惟請晉封諸將以慰勞之

六月明文安之朝於梧州命人閣辦事

時嚴起恆爲首輔王化澄朱天麟次之安之至起恆讓爲首輔

明朱成功討蘇利於碣石衛不克旋師圍潮州

蘇利饒平人流落海豐爲盜嘗與碣石衛民構釁民乞援

於同安之號大目公蘇秦者秦擊利敗之遂入碣石利依秦爲裨將戰輒勝秦以其同姓益重之秦偶疾利刺秦自代明末五虎亂潮之一也懼爲成功所併投誠於我

大清爲左都督而陰持兩端不難髮成功率舟師討之風逆失利反師圍潮州陳斌燒斷廣濟橋晝夜攻擊郝尙久死守不下乞救於漳州總兵王邦俊

我

大清兵復取雲霄詔安進攻盤陀嶺明朱成功部將柯宸樞死之

王邦俊聞潮州圍急統大隊至長橋守羅山嶺之黃廷洪敗棄城走而宸樞據險扼守

王師不能進邦俊以騎兵往來誘敵而令副將王之剛自盤龍小路度嶺游擊張勝由杜潯過雲霄宸樞分兵逆戰礮矢盡全軍皆沒宸樞晉江人隆武帝授以參軍督軍出關屢有奇謀成功聞其死大痛曰吾不恨失浦詔恨亡宸樞耳遂解圍軍於潮陽

明朱成功部將甘輝擊斬叛將黃亮采

亮采見雲詔之失與其黨陳拔五李英等叛攻行營輝擊斬之軍乃定

秋八月中秋節明從臣朝賀於水殿

自春至秋嚴起恒王化澄隨駕逍遙河上民間爲之謠曰漢宮秋也昭陽愁也蓋起恒字秋治化澄字昭陽也中秋

節御舟泊梧州之繫龍洲王與三宮置酒簫鼓起恆手書
水殿二字爲扁額濯纓唱和中宵不樂而罷以聞清遠惠
莞敗報也

徐璠曰特書何吾無譏乎爾傷之也

明朱成功襲殺鄭聯取廈門遂取金門

廈門金門兩島爲鄭彩鄭聯所據芝鵬說成功取之成功
曰取之不得反結爲仇芝莞曰建國遠行惟聯在厦此其
時也施琅曰聯嗜酒無謀藩主以四巨艦揚帆回師寄泊
鼓浪嶼彼見船少必無猜疑餘船假爲商賈分駐旁港登
岸拜謁相機而動此呂蒙賺荊州之計也成功曰吾欲善
取之庶免殺兄之名芝莞曰恐其部卒生心殺之爲是不

見唐太宗之於建成元吉乎成功乃率甘輝施部洪政杜
煇精兵五百船四隻於中秋夜泊舟鼓浪嶼聯方醉臥萬
石巖巖踞城東數里鑿石成洞聯所造也報至不得通詰
朝酒醒櫛髮出迎成功笑曰師屢敗兄能以一軍相假乎
聯未及答諸執銳者突前挽其舟聯唯唯惟命成功麾軍
過聯船聯將士驚伏莫敢動邀聯飲於虎坑巖投壺角勝
聯歸途至半山塘伏起刺殺之成功勒兵入城佯槌胸大
哭曰誰殺吾兄令兵守聯與彩宅門飭無令不許擅入斬
其用事者章雲飛於是聯部將陳俸藍衍吳豪等咸歸焉
彩之將楊朝棟王勝楊權蔡新等聞聯死亦率全隊舟師
降舊將藍登亦來歸乃遣洪政持書折矢招彩初彩之出

師也戒聯曰國姓帆船來往宜備之聯曰少年乳臭何足
介意既聞聯死嘆曰所託非人吾之咎也彩旣敗於沙堤
乞援舟山不獲無所歸而政適至因嘆曰吾年老諸子弟
能繼志者大木耳吾願全軍解付令弟斌偕政復命成功
遂兼有兩島威震海上

九月我

天清兵克灌陽明知縣李遇昇死之曹志建奔恭城

先是龍虎關之敗志建兵潰入恭城陽朔聲言將至桂林
焦滇諸營皆洶洶瞿式耜發犒金五千兩命兵科吳其雷
往撫之而

王師亦退駐衡州事少定至是再失利志建奔恭城馬進忠亦

退於瓜里走武岡山中桂林大震

我

天清兵復取全州明趙印選胡一青王永祚入於桂林

于元燧督兵桂林有女許聘王永祚子矣印選爲其子強委禽焉又與胡一青爭總統大閫一青出守榕江從事獨勞而印選居城內老營擁姬妾自娛諸帥心不平焦璉兵在安樂猝呼之不能至

王師破全州長驅入嚴關諸帥託分餉入桂林榕江遂成空壁故莫有堵禦者

孫可望由雲南東襲貴州明總兵皮熊走清浪衛追執之

可望自稱秦王之後諸軍悉曰行營設護衛曰駕前官自

稱曰孤曰不穀文書下行曰秦王令旨各官上書則曰啓
稱李定國劉文秀曰弟安西李弟撫南劉其下稱之曰國
主皮熊畏其逼也遣官李之華通好請盟可望致書曰貴
爵坐擁貔貅戰則可以摧堅虜守則可以資保障獨是不
肖有司罔知邦本征派日煩民生日蹙黔中乃兵出之途
甯無救災卹鄰之念以爲假道長發之舉若滇若黔總屬
朝廷封疆留守留兵綢繆糧糗惟欲與行在通聲息若祇
以一盟了事爲燕雀處堂之計非不穀所望於君子矣熊
得書益懼避一清浪衛追執之奪其兵旣而釋之

孫可望入貴州執明僉都御史巡撫鄧承汾張平越執戚清
道黃應運皆不屈暨總兵梁某等凡之

貴州院司道官會請可望之前軍都督白文選入省可望
因下教安定之令所屬文武呈繳濫劄文職之監軍督餉
部卿僉憲武職之總制參遊各衙名概行裁革無敢抗拒
者惟承汾應運總兵姚某劉某等六人詬賊求死可望怒
曰爾願死不與爾良死縛六人於地驅劣馬數十蹴踏之
籍其家陳尸四門以怖不順已者兆劉諸人姓名鄉貫不
可詳惟承汾應運爲最著承汾字懋袞晉江人崇禎癸未
進士由淮安府推官入爲浙江道御史隆武帝命以原官
巡按貴州與定番侯皮熊總兵范熾協力勦撫福京亡粵
中命未下熊熾疏留之晉太僕卿兼僉都巡撫可望之納
款也令李定國會盟於龍里可望入貴州承汾貽書責之

謂牛耳之血未乾北門之師夜至君父可欺天地神明不可昧也可望兵劫之遂與應運等先後被執應運字際飛福建歸化人邑令楊鼎甲奇其才拔爲童子試第一隆武二年鼎甲已易名鼎和官雲貴部院朝於福州怪應運久滯經生題爲監紀推官攜之入滇委管貴陽府刑務永曆改元思州苗叛鼎和謂應運曰不遇盤錯何知利刃子努力爲之投應運思州司理兼監軍僉事甫抵任而平越所屬黃平諸苗交叛應運由思州率兵抵黃平苗解圍去承汾時爲巡按以平苗功題應運平越知府加參議銜既復令攝威清道事以備可望應運置家口於平越而輕騎赴安順值川將王祥兵潰掠食遵義居民詣滇求救撫按議

遣官撫之莫如應運才可望聞應運遠出遣李定國饒安
順據之應運歸途聞報徑詣定國說之曰將軍有事於安
順何不尺一相報乃騷動貴部邪定國曰將出兵從此武
夫本色勿怪也應運曰恨安順陋陋耳若可屯駐車騎何
不啓聞天子請此彈丸爲牧地天子方懸爵賞以網羅英
雄未有不許將軍者應運便當解職以鎖鑰相付矣定國
色益和遽曰正欲與貴道商之應運知其心動又難之曰
宿聞將軍神勇敵萬人又所部精銳一當百乃前此所據
地旋得旋失何邪定國曰兵家得失無恆不足論也應運
曰不然當是名義不正人人得睥睨之耳若藉三百年天
子之名號加以將軍之神威統率熊虎掃蕩不庭而聞風

義從者又絡繹交助天下誰敵將軍者他日分茅胙土傳之奕世中山開平不足比也今將軍舍萬世不朽之功業而不王不霸傳舍州郡非良圖也定國欣然曰貴道言是卽當與平東謀之應運曰平東在滇遠未可期應運當拊盤敦與將軍定約耳定國許之乃歃血誓扶明室無二心可望聞之不善也偵知應運赴平越遣馮雙禮襲而執之執送貴陽厲聲詰曰爾以茅土許安西便當以九五尊我何爲不舞蹈乎應運曰平東誤矣平東不嘗貢獻天子求冊封乎同僚耳何拜爲可望曰吾據滇黔帝制有餘於冊封何有應運曰如是則平東叛天子卽亂賊矣王臣豈拜亂賊乎承汾亦笑曰頭可斷膝不可屈也可望怒同下之

貴陽獄可望猶惜應運才使護衛再三諭降應運語益厲
乃同遇害時庚寅九月也定國聞二人死心怨之自是不
受可望節制矣平虜將軍許蓋忠目擊而嘆曰獬豸
逢人卽噬何分賢愚吾肉喂犬狼何益賂張護衛使說可
望曰大王將建大業四門宜祓除不祥陳尸橫衢非禮也
曷瘞之乃於貴陽南郊之毛家巷側列葬六棺葬畢蓋忠
潛入頂耙苗洞不復出辛丑之春應運子培鼎扶櫬歸辭
蓋忠見蓋忠率卒屯田自食其力猶服舊時衣冠云

攷口參陳

夢崖紀畧李
世熊寒文集

臣竊曰紀年於明季東南士大夫之殉義者若浙若閩能
詳哉言之外此或佚之不能言言之不能詳蓋黃宗羲毛

奇齡全祖望李世熊之徒皆

國初碩學見聞親切紀述足傳而窮鄉僻壤之文獻無徵者歸於泯沒良足悲矣

孫可望遣其將王白奇劉文秀白文選分道取四川

可望聞袁韜武大定之殺楊展也始有圖蜀心上書爲展訟冤使自奇將兵向川南而別遣文秀文選取遵義

明綦江伯王祥與劉文秀戰於烏江敗績死之遵義陷

祥戰於烏江不勝自刎死文秀降其衆盡收遵義地初獻賊入蜀畏祥不敢竄遵義前後拒守凡八年

劉文秀攻建昌衛明在籍前長沙知縣高問死之

文秀遣別將盧名臣取重慶而已引兵渡金沙江攻建昌

明集士民拒於焦家屯兵敗自焚死

劉文秀陷明越嶲衛

寇攻城指揮王自敏妻周氏知不免謂所親唐氏曰等死耳他日恐其遲也遂挽唐氏閨室自焚死同時王氏俞氏宋氏唐氏俱焚火死皆受聘於人而未嫁者

劉文秀陷黎州明土千戶馬亭李華宇等死之

亭華宇及楊起泰等之佐馬京破賊龍觀川也沈黎不被寇者數年京卒亭襲爲千戶文秀至竭力拒守被執不屈死華宇苦戰賊擒而弔之年八十四矣指揮丁應選亦以年老歿於陣同時起兵之姜黃李柰蔡包張七姓子弟頭人俱戰死無一降者

劉文秀陷榮經明知縣黃儒死之

儒福建舉人城陷巷戰被獲磔死

劉文秀陷明雅州

曹勛初敗賊於雅州與楊展爲聲援展死而劉道貞以病卒范文光痛楊展之死入山不視事勛勢益孤文秀突至出勛不意取之

劉文秀屯兵洪雅之天生城明義民余飛戰死

城在洪雅花溪口賊踞之飛單騎被圍力殺十數人死

明監國魯王命周瑞周鶴芝分屯溫州之三盤

監國以舟山孤立命周鶴芝以樓船三百艘屯溫之三盤爲犄角亡何瑞與鶴芝有隙監國命武陵人胡明中往解

之至則構之益甚瑞遂南依鄭彩鶴芝亦結於阮進彩之
爲成功所窘也乞援於舟山鶴芝既怨瑞而名振亦欲結
好成功反擊破彩衆彩遂歸成功後終於廈門

我

大清兵克四明山寨明魯兵部右侍郎王翊以其衆入海御史
馮京第爲叛將王昇所殺

王師將攻舟山惡翊中梗謀曰不洗山寨無以塞內顧乃大舉
將軍金礪由奉化提督田雄由餘姚會於大蘭山軍帳三
十里遊騎四出搜剔伏藏翊累戰不能抗避之入海京第
以病不能行居灌頂山中爲降將王昇所殺京第字躋中
慈谿諸生也

攷曰航海遺聞謂京第爲庚辰進士按題名
碑是科無京第名浙江通志亦不載全祖望

謂其與華夏王家勤諸公同
為過情之舉則諸生無疑

我

大清兵克大皎山寨明魯御史張夢錫死之

夢錫字雲生鄞縣六狂生之一也董志甯華夏之徒皆文
弱士司書檄奔走聯絡夢錫則於弓矢戈矛皆習之翻城
之獄既幸免誓守山寨大皎之軍與平岡之軍相望故諸
營呼煌言為大張軍夢錫為小張軍

王師既克四明山寨大張軍航海入衛獨小張軍五百人相守
不去

王師合圍夢錫挾長矛出關夷傷畧相等力盡死五百人從之
死呼之降無一應者有三人突圍出翌日大皎之南麓有

負夢錫屍以葬者卽此三人也

臣竊曰孟子云可以死可以無死死傷勇諸生草莽之臣未受一命所謂可以死可以無死者乎而欲奮博浪之椎齒睢陽之劍以至赤族湛身而不悔其忠義可以激頑懦而不得謂非過情之舉也然則紀年何以錄之明之亡也臺省大僚封疆專閫視宗社如傳舍奉君父如弈棋至有平居高談名節自附清流蒙面事仇甘心唾罵而窮山絕谷布衣韋帶之士乃或裹糧跣踵流涕書檄此其志氣皜皜乎與日月爭光論者謂土崩瓦解之秋支撐一隅海濱蠻島浪楫風帆保其冠裳數十載則皆諸義士之風聲所激而起者豈不諒哉鄞縣前有六狂生後有五君子五君

子者死於翻城之獄六狂生則董志甯以舟山破死陸宇
燁以應海上軍死張夢錫以大蛟寨破死華夏王家勤亦
五君子之二也同時死惟毛聚奎以亡命老死牖下所著
有吞月子集多不傳惟與人阜人丐人傳爲稗官家所錄
焉

冬十月辛巳朔日有食之

嚴起恆疏請修省

蘇利陷惠來明朱成功部將盧爵知縣汪匯死之

利偵知成功回廈門攻破惠來爵戰死匯自刎死

明朱成功取銅山南澳閩安諸島

成功命洪政招安諸島悉聽約束乃分其軍爲五而自爲

中軍

攷曰臺灣外記謂以林察為左軍周瑞為右軍張名振為前軍周鶴芝為後軍是時舟山未亡名振鶴芝

無由歸成功當是名振與成功相約結因遙授是號耳志之俟攷

以舉人馮澄世潘庚鍾

紀舉國

攷曰三人皆泉州人庚鍾舉人林俞卿林奇昌

同安人奇昌漳州人皆降武舉人

恩貢諸葛倬諸生蔡鳴雷

攷曰皆晉江人為參

謀以圖進取

十一月辛亥我

大清兵克廣州明杜永和走瓊州

十月初十日庚寅為永曆帝誕辰永和率文武朝賀於五

層樓守西門外城主將范承恩在焉承恩舊為淮安府阜

役目不識丁眾號為草包永和於班中呼之以是大恨潛

通於我平南靖南二王戊申

王師攻外城令軍士舍騎徒步涉淖冒矢石奮戰承恩退入內城

王師毀木柵礮擊西北隅是日未刻城陷承恩降永和航海保瓊州久之降於我

大清

甲寅我

大清兵入桂林執明督師瞿式耜總督張同敞

是日寅刻報

王師大舉入嚴關式耜檄趙印選爲戰守計不應再促之則盡室逃甯遠伯王永祥迎降衛國公胡一青武陵侯楊國棟綏甯伯蒲襲甯武伯馬養麟等馳出小路勅兵兵自潰乃

皆迷式耜危坐府中總兵戚良勲操二騎至跪而請曰公
爲元老係國安危身出危城尙可號召諸勲再圖恢復式
耜曰四年忍死留守其義謂何我爲大臣不能禦敵以至
於此更何面目見皇上提調諸勲乎人誰不死但願死得
明白耳家人泣請曰次公子從海上來一二日卽至乞忍
死須臾一面訣也蓋式耜次子元鎔間關入粵時已至永
安州矣式耜揮家人出曰毋亂我心我重負天子尙念及
兒女邪俄總督張同敞自靈川回入見曰事急矣將奈何
曰封疆之臣將焉往子無留守責曷去諸同敞曰死則俱
死耳乃呼酒對飲四顧茫然惟一老兵不去命呼中軍徐
高至以敕印付之曰完歸皇上勿爲敵人所得也是夜雨

不止城中寂無聲兩人張燈相向黎明有數騎腰刀挾弓矢入式耜曰吾兩人待死久矣偕之出見定南王孔有德有德踞地坐舉手曰誰爲瞿閣部先生式耜曰我是也顧曰坐式耜曰我不慣地坐城陷求一死耳有德曰甲申之變

大清國爲明復仇葬祭成禮今人事如此天意可知吾斷不殺忠臣閣部毋自苦吾掌兵馬閣部掌糧餉一如前朝事何如式耜曰我明之大臣豈與汝供職邪有德曰我先聖後裔勢會所迫以至今日閣部何太執同做厲聲曰汝不過毛文龍家提溺器奴耳毋辱先聖有德怒自起批其頰叱左右刀杖交下式耜叱之曰此宮詹張司馬國之大臣死

則同死耳不得無禮有德違命還其衣冠因曰某年二十
起兵海上南面稱孤投誠後擁旄節爵名王公今日降明
日亦然矣語曰識時務者爲俊傑

清自甲申入中國五年之間南北一統至縣縣破至州州亡天
時人事蓋可知矣公守一城扞天下屢挫強兵能已見於
天下不轉禍爲福建立非常空以身膏原野誰復知之式
耜曰汝爲丈夫旣不能盡忠本朝復不能自起逐鹿稱孤
爲人鷹犬尙得以俊傑時務欺天下男子邪昔少康光武
恢復中興天時人事未可知也本閭部受累朝大德位三
公兼侯伯常願殫精竭力掃清中原今大志不就自痛負
國刀鋸鼎鑊百死莫贖尙何言邪有德知不可屈館兩人

於別所供帳飲食如上賓有臬司王三元蒼梧道彭煥皆

式耜里人說以百端不應勸以薙髮爲僧亦不應曰爲僧

者薙髮之漸也兩人曰賦詩唱和攷曰詩名浩氣吟自序云庚寅十一月初五間

警諸將棄城去城亡與亡余誓必死別山張司馬自東江

來城與余同死被刑不屈累月幽囚漫賦數章以明厥志

別山司馬從而和之其一曰藉草爲茵枕由眠更長寂寂

夜如年蘇卿絳節惟思漢信國丹心只告天九死如歸還

惜苦三生有石只隨緣殘燈一室羣魔繞甯識孤臣夢地

然其二曰已拚薄命付危疆生死關頭豈待商二祖江山

人盡擲四年精血我偏傷羞將顏面尋吾主剩取忠魂落

異鄉不有江陵真鐵漢腐儒誰爲剖心腸其三曰正襟危

坐待天光兩鬢依然勁似霜嫩仰須與階下鬼何愁慷慨

殿中狂須知榜辱神無變旋與衣冠話益莊莫笑老夫輕

一死汗青留取姓名香其四曰年年歲歲歲歲歲臣會見登

埠有一人上爵滿門告紫綬荒郊無處不青燐僅存皮骨

民堪畏樂妻李國已貧試問怡堂今在否孤存留守白

捐身其五曰邊臣死節亦尋常恨死猶銜負爾傷捧土竟

成千古罪留京離失一隅疆蜀名此日知難免厲鬼他年

詎敢忘幸有顛毛留旦夕魂今早赴祖宗旁其六曰拘幽

土室豈偷生求死無門慮轉清勸勉煩君多苦語癡愚嘆
我太無情高歌每羨騎箕句灑淚偏爲滴雨聲四大久拚
同泡影英雄到底護皇明其七日嚴疆數載盡臣心坐看
神州已陸沈天命豈同人人事改孫謀爭及祖功深二陵風
雨時來繞歷代衣冠何處尋哀病餘生刀俎寄還成短景
尙肅森其入曰年逾六十復奚求多難頻經渾不慙劫運
千年彈指去綱常萬古一身留欲堅道力頻魔力何事倖
囚學楚囚了卻人間生死事黃冠莫擬故鄉遊同儕詩自
序云被刑一月餘兩臂俱折忽於此日右臂復能微動左
臂不可動矣歷三日書得三詩右臂復痛不可忍此其爲
絕筆乎敢煩留守師寄雪公道公兩師如別山之左右手
也未畧明柱國少師兵部尚書前詹事府詹事翰林院侍
讀學士江陵文忠公嫡孫同儕囚中草詩曰一日悲歌待
此時成仁取義有誰知衣冠不改生前制名姓空留死後
詩破碎山河休葬骨顛連君父未舒眉
魂兮懶指歸鄉路直往諸陵拜舊碑 同時抗節者靖江

王亨歎棄城走其世子某及長史李某自縊於宮中又鄴
縣余鯤起初與主事李甲春起兵復寶慶會何騰蛟下長
沙騰蛟死重趼至桂林城破入野寺絕粒死棄官爲僧者

方以智金堡而外有嚴煒錢秉鐙陳純來焉煒秉鐙事詳
秉鐙所知錄陳純來者字孝標奉化人以監生赴桂林官
工部主事監造興陵嘗奉詔誅佟養甲城破或勸之走曰
吾守陵寢以待吾君之還死且未敢況行乎爲浮屠裝居
陵下以終

臣薊曰所知錄云湖州山中有松仙者授式耜錦囊數封
諭臨危始發擒靖江用焦璉守桂林皆錦囊中策末一封
則標曰庚寅元旦發中有扶公榮歸四字秉鐙親見之非
妄語也數果不可逃哉

已未明桂王出奔陳邦傳叛王走南甯

放日紀畧載王於乙卯日出奔所知錄云

初十日始發梧州始安事畧亦云初十日間報稱王說當不妄粵事紀畧十月初七日辛巳出奔後當日情事既不合且

十月初七日亦非
辛巳謬誤已極

報至梧州倉卒幸潯初邦傳欲留王以自重不果懷異志
而未發也聞廣州破飛帆先歸謀劫駕王舟衝雨而過不
及發乃劫百官鹵簿之舟在後者部郎潘駿觀董英許玉
鳳墮水死內閣王化澄吏部尚書晏清走北流入容縣港
嚴起恆馬吉翔李元胤追扈及於南甯百官稍集飢凍無
人色乃括行橐並吉翔所獻四千金散給之

明趙印選胡一青之師駐賓州

致日亦作賓州

十二月明閏十一月

丙申明督師大學士臨桂伯瞿式耜江

廣總督兵部尚書張同敞猶在桂林論降不屈死之

兩人在桂林四十日求死不獲式耜謂同敞曰偷生未決

爲蘇武邪李陵邪人其謂我何乃草檄論焦璉曰城中滿
兵無幾若勁旅直入孔有德之頭可立致也有降臣浙人
魏元翼者曾任桂平督糧道以貪墨爲兩人所劾布還卒
獲其檄獻之有德十七日丙申數騎至繫所式耜曰乞少
緩待我完絕命詞援筆書曰從容待死與城亡千古忠臣
自主張三百年來恩澤人頭絲猶帶滿天香肅衣冠南向
拜訖步出門遇同儕曰吾兩人多活四十一日今得死所
矣同儕手出白網巾於懷曰服此以見先帝行至獨秀岩
式耜曰吾生平愛山水願死於此遂同遇害同儕屍不仆
首墜地躍而前者三頃刻大雷電雪花如掌空中震擊者
亦三有德股栗觀者靡不泣下同死者旗鼓陳希賢錦衣

衛楊芳齡家人陳祥先齋印之徐高被獲於陽朔山中亦同死焉金堡時已爲僧名性因上書有德曰山僧悟水之罪人也承乏掖垣奉職無狀繫錦衣獄幾死杖下今夏編成清浪以路道之梗養疴招提皈命三寶四閱月於茲矣車騎至桂咫尺階前而不欲通蓋以罪人自處亦以廢人自棄又以世外之人自恕也今且有不得不一言於左右者故總師大學士瞿公總督學士張公皆山僧之友爲王所殺可謂得死所矣敵國之人勢不並存忠臣義士殺之而後成名兩公豈有遺憾於王卽山僧亦豈有所私痛惜於兩公哉然聞遺骸未殯心竊惑之古之成大業者表揚忠節殺其身而敬且愛其人若唐高祖之於堯君素周世

宗之於劉仁贍是也我明太祖之下金陵於元御史大夫
福壽旣葬之矣復立祠以祀之又曲法以赦其子盛德美
名於今爲烈至如元世祖祭文天祥伯顏卹汪立信之家
豈非與聖人禮教共植藝倫者邪山僧嘗私論之衰世之
忠臣與開國之功臣皆受命於天同分砥柱乾坤之任天
下無功臣則世道不平無忠臣則人心不正事雖殊軌道
實同源兩公一死之重豈輕於百職之勲哉王旣已殺之
則忠臣之忠見功臣之功亦見矣此又王見德之時也請
具衣冠爲兩公殮卹公幼子尤宜存卹張公無子益可矜
哀並當擇付親知歸葬故里則仁義之舉王且播於無窮
矣如其不爾亦許山僧領屍隨緣葬豈可視忠義之士

如盜賊寇仇然必滅其家狼藉其支體而後快邪夫殺兩公於生者王所以自爲功也禮兩公於死者天下萬世所共以王爲德也山僧以生死之交情不忍默然於我佛冤親平等之心王者澤及枯骨之政聖人維護綱常之教一舉而三善備矣山僧跋不能履敢遣侍者以書獻敬候斧鉞惟王圖之書上未報而吳江義士楊藝字碩甫者服衰經懸楮錢肩背間叩軍門號哭請殮故主屍有德嘆曰有客若此不愧忠良矣許之藝撫屍哭曰忠魂儼在知某等殮公乎忽張目左右視藝撫之曰次子來見邪長公失所邪曰猶視門下士御史姚端叩首曰我知師心矣天子已幸南甯師徒雲集焦侯無恙目始瞑遂具衣冠淺葬兩人

於風洞山之麓端與陽羨清凝上人廬墓不去先是式耜
知桂林不守遣其孫中書舍人昌文詣梧州陳狀辭世襲
爵王授昌文翰林院簡討賜式耜黃鉞龍旌節制公侯伯
大小文武甫撰敕文而東西省垣齊陷昌文走山中叛將
王陳策挾之至梧州大學士方以智時爲僧於大雄寺言
於我鎮將馬蛟麟曰瞿閣部精忠今古無兩其長孫來汝
以德綏之義聲重於天下蛟麟厚遇之魏元翼恨不已構
昌文於有德將甘心焉一日聞鐵索鏗然繞室有聲元翼
伏地請罪忽吳語曰汝不忠不孝乃欲殺我孫邪七竅流血
死有德嘗以事遣一卒禱於城隍恍惚見同儕南而坐
有德聞而大駭爲雙忠神位祀之因厚禮昌文遷式耜柩

而改葬之清凝上人亦遷同做柩與夫人合葬焉

歿曰庚錄庚寅始安事畧寒支集所載皆同詳載之以見忠義之感神人也

徐蘊曰紀年於左懋第袁繼成黃道周瞿式耜之死書曰猶在何士有一時血氣之激蹈死不悔遲之久而畏憚之心生遲之久而富貴功名之念動蓋無直養無害之氣義襲而取之一時金蝕而渝石磨而泐理勢然也文山之言曰慷慨捐軀易從容就義難數君子者庶幾聖賢知命之學哉

明大學士王化澄戶部尙書董天閔俱降於我

天清

明擢兵科給事中張孝起爲副都御史巡撫南甯

不腆紀年

卷十七

李末

孝起原名起吳江人舉於鄉爲廉州推官舉兵謀恢復兵敗被獲妻妾投海死遂韃軍中李成棟歸明孝起得脫去王以爲吏科給事中孤峻不與流俗伍王幸梧州五虎失勢辭職乃以孝起掌印高必正爲劉湘客鄉人疾孝起之排湘客黨也怒罵於朝王爲解之始已王再幸南甯趙臺避陳邦傳之逼遁入土司乃擢孝起爲巡撫兼巡撫高廉雷瓊四府城破走入龍門島被執不食七日死

明高必正李來亨之衆走川東

高李之衆久竄賓橫南甯間食且盡畏

王師之逼率衆渡瀘自黎州出掠嘉眉分據川湖閒耕田自給川中舊將王光興譚宏等附之衆猶數十萬來亨赤心養

子也赤心死推必正爲主必正死而來亨代之焉

明封孫可望爲黃王猶不受

王師已逼乃遣編修劉蒞封可望爲黃王至平越不得入楊畏

知言於可望曰秦黃等耳假何如真不聽李定國請令畏

知終其事故畏知得至南甯

攷曰明史棄以爲是年十一月事與諸書同紀畧以爲明

年三月事

明朱成功率舟師南下援粵東

時奉粵中詔命成功率舟師從虎門入成功乃以黃大振

攷曰卽前構黃斌卿於王朝先者

爲援勦前鎮守海壇撥水師阮引何德

陸師藍登屬鄭芝鵬守廈門自率諸鎮南下勤王至潮陽

而施郎與陳斌不睦因止不進有首黃海如通於我定南

王孔有德者成功遣林習山襲殺之宥其餘黨分配各鎮
辛卯我

大清順治八年春正月己酉朔明永歷四年十二月朔自二月以後為明永歷五年

年六

明永歷三年大統歷於庚寅十一月置閏而我

大清則於辛卯閏二月也時兩廣州郡內附我道府州縣官抵

任者皆以是日為辛卯元旦行拜賀禮而鄉鎮居民未奉

大清時憲書仍永歷舊歷則以是年二月乙卯朔日為元旦守

除拜歲有鄉城之別焉攷曰釋史勘本及粵事記言之甚詳而黃宗義行朝錄則言永歷是

日升殿受朝賀十日祀太廟者宗義什於魯而未仕於粵故紀粵事多舛也

明命大學士文安之總督川湖諸路軍務賜尚方劍便宜行

事進王光興郝永忠劉體仁袁宗第李來亨黨守素王友進
塔天寶馬雲翔郝珍李復榮及譚宏譚詣譚文等爵爲公侯
攷日十六營姓名可攷者十四人與初降時亦殊異蓋
子弟部將之代領衆者也體仁亦作體純非二人也

王師日逼雲南又爲孫可望所據安之念川中諸鎮兵頗強欲
結之共獎王室自請督師加諸鎮封爵王從之加太子太
保兼吏兵二部尙書總督川湖諸路軍務進王光興等十
六營爵皆公侯命齎敕行孫可望聞而惡之遣兵邀於都
勻奪諸將敕印留數月安之乘間走貴州將謁王於安隆
可望坐以罪戍之畢節衛可望之謀僭號也以安之爲東
閣大學士安之不爲用走川東依劉體仁以居焉

二月己卯朔

明永曆五年正月朔

明桂王在南甯

正月後警報少息舊臣有間道奔赴行在者文武兩班位列楚楚王以國家多難免朝賀

明監國魯王在舟山

閏二月 明二月 乙卯明魯張名振殺平西伯王朝先

初黃斌卿之破也朝先收其陸兵軍資甲仗一不以付名振鄭彩之敗名振與阮進因而墮之朝先又不與合顧不虞名振之見襲也散遣士卒於民舍名振猝至朝先手格數十人而死其部將張濟明跳城奪哨船投誠於我

大清顧充先鋒定海氛於是舟山虛實盡洩我總督陳錦決計大舉焉

臣竊曰蜀事之壞壞於李乾德之殺楊展舟山之壞壞於

張名振之殺王朝先所謂與人鬪而自斷其右臂者殆天奪之魄歟

明監國魯王設醮於舟山

我台州分守道耿應衡遣奸細入舟山託於曰者謂監國祿命宜禳災星張名振設醮禳之兵部郎中朱養時上疏爭曰如此舉動貽笑敵人

徐鼎曰何以書議也君無楚昭王臣無晏平仲吾於黃皓巫鬼何責焉傳曰國將亡聽於神是之謂與

癸亥我

天清兵取明梧州

癸酉我

大清兵取明柳州

明朱成功師次平海衛我

大清兵襲破廈門守將鄭芝莞遁前東閣大學士曾纓死之

成功舟師至白沙湖遇風收入鹽洲港尋至天星所敗我
惠州援兵攻其城下之進次平海衛慮廈門單弱屬鄭鴻
逵回師助芝莞固守未至而我福建巡撫張學聖信降臣
黃澍之謀偵成功遠出檄總兵馬得功率師從五通掩渡
水師鎮阮引不戰而遁芝莞聞報席捲珍寶棄城下船學
聖督大隊繼至適潮大漲登五通山望波濤萬傾島嶼孤
懸愕然曰此絕地也設有緩急豈能飛渡即日引還得功
方領騎馳騁聞後軍已退不敢坐鎮走金甯港而鴻逵部

將楊杼素吳渤已至截諸港渤戰死施郎復率陳繡鄭文
星從廈門港登岸促之得功嘗爲鴻達標下守備故相識
也計窮乃冒死駕小船見鴻達說之曰得功奉令過島未
曾援一草一木今無舟可渡必死但恐得功死此島人民
萬不能全耳公兄在京眷口在安平乞熟思之鴻達乃逸
之去初閩中亡大學士曾纓避居廈門城將陷家人促之
登舟纓曰此一塊清淨土吾死所也於是月晦日自縊死
其門人陳泰阮文錫謀收遺骸泰痛哭曰有吾在無庸子
子出而不返則老父倚閭而望吾孤身死則死耳子効力
於親吾効力於師不亦可乎泰乃匍匐負纓屍走三十里
付其家人殯之歸不食三日卒文錫後爲僧名超全論者

比之鄭所南謝皋羽焉

次日本文
陽察存稿

孫可望遣兵至南甯殺明大學士嚴起恆尙書楊鼎和給事中劉堯珍吳霖張載述乃封可望爲秦王

可望怒起恆等之阻秦封也聞王在南甯遣其將賀九儀張勝張明志等率勁兵五千迎扈直上起恆舟怒目問王封是秦非秦起恆曰君等遠迎主上功甚偉朝廷當有隆恩若專問此是挾封非迎主上也九儀怒格殺之投屍江中遂殺堯珍霖載述追殺鼎和於崑崙關鼎和堯珍以阻議故而霖與載述則會勅主秦封者也起恆屍流三十里泊沙渚間突有虎負之登崖守視不去九儀等驚悸累日乃禮而葬之山麓至今人稱虎墳云

徐勣曰起慚之忠格猛獸而不能化盜臣可慨也然使早從堵膺錫之言何至長賊氛而損國威若是謀國者貴識時哉

孫可望殺明東閣大學士楊畏知

畏知入朝見賀九儀等凶悖痛哭自劾因留爲東閣大學士可望怒遣使召之王欲執其使畏知曰臣聞猛獸當人則止若得臣而止其逆臣焉避之王揮涕爲別手賜金章鑄忠貞直諫四字畏知泣謝曰苟利社稷死生以之願陛下廓清天地正位二京臣卽瞑目至貴陽繫獄士民數萬哭請乃出畏知黑神廟調疾先是原河南道御史任俱諲附可望議尊爲國主以干支紀年鑄興朝通寶錢可望生

男仁思如生皇太子例原楊州副使襲襲亦希可望旨啓
陳十事欲租外增賦賦內編馬畏知憤甚輒抵掌謾罵二
人亟構之可望呼畏知詰曰遣汝作何事反作宰相邪畏
知曰爲大明宰相而死不愈於從亂賊而生乎可望令杖
之畏知除頭上冠擡可望曰誰敢辱大臣有死而已乃被
害楚雄人以其有守城功立祠以祀焉

三月我

大清兵取明高州

提督李明忠之師潰於野口

王師追至電白明忠遁遂克高州道臣郭光祖吳人龍知縣文
振義副將王邦友俱降

明永州諸生鄧光遠被執不屈死

攷曰行在陽秋載爲足歲事而月日不可攷姑以事

次
夏四月丁未朔明朱成功復取廈門

成功開廈門有警旋師抵廈門而馬得功已去五日矣成功大悔恨移師屯金門之白沙親歷各要口以鄭攀柱爲知州築礮臺撥勁旅守之丙辰大會文武議廈門功罪賞施郎銀二百兩陳纁鄭文星各百兩厚卹吳渤家杖阮引何德各五十鄭芝堯以失機論罪當斬芝堯方欲辯而成功已冠帶出隆武帝所賜尙方劍斬之縣首示衆有木藩鐵面無私爾黜臣鎮將各宜努力之語衆軍股栗兵勢復振成功恨鴻逵之縱得功也飭鎮將不許赴鴻逵衙署而

鴻達見成功能行其法亦將所部付之謝權歸隱築寨白沙溝亭沼藝花木笙歌自娛後爲我將王進功所攻成功移之居金門以老方芝莞擁資棄城成功妻董氏抱神主出舵工林禮與之登芝莞舟芝莞遽曰此戰艦也非夫人所居再三促之董氏堅坐不動積藏得無恙軍餉獲充董氏素無寵以是見禮於成功焉

甲寅明兵部右侍郎傅鼎銓招兵廣信被執

程鄉之敗諸軍皆散惟平西伯張自盛走保閩界有衆數萬鼎銓入其軍約廣信戚武侯曹大鎬並進庚寅冬自盛掠邵武兵敗執俘瀘溪山中鼎銓走廣信四月八日俗稱浴佛日也山間作浴佛會鼎銓與焉爲守將所執諭降不

大清

明朱成功部將施琅降於我

五月葬南甯上尊諡曰孝正莊翼康聖皇太后

戊午明太后王氏殂於田州

攻曰行朝錄云慈甯皇太后馬氏崩於田州誤也

輟或欲爲薙髮曰留此與頭俱去也攷曰詩云浴佛傳名日孤臣殉節時賴則

屬彩鳳

護靈廟斷頸玉甯碎剖心山

不移爭傳巾履

昭取漢威儀見行朝錄

琅本名郎投誠後改今名郎之取得成功也年最少風宇魁梧號知兵凡樓櫓旗幟伍陣相離之法皆郎啓之然頗恃才而倨有標兵曾德犯法當死匿成功所郎偵擒之成功馳令勿殺郎曰法者非琅敢私藩主何可自徇其法乎促

斬之持令者歸而構焉成功怒收郎並其父大宜弟顯貴
命林習山之副將吳芳守之郎謂顯貴曰兄弟豈可俱斃
弟速爲計顯貴曰兄雄畧勝弟十倍且無子速行勿多語
琅起佯喜笑語芳曰吾以藩主欲殺我乃別有事耶取酒
與芳歡飲曰伴我登岸往見當事芳見郎舉動雀躍又以
父與弟在船信焉令三人隨之至草仔牽郎出鐵椎椎死
三人而走匿會厝窰石洞中飢且死適佃兵鋤園老灰見
五花豹隱臥大怖頃之僂然施郎也則大驚郎告之故佃
兵餉以簞食魚羹然已倦甚肌革慘慄時成功購之急曰
此子不來必貽吾患令島中含匿者族郎夜叩其部將蘇
茂門激之曰聞藩主購我千金高爵賢弟與我厚故以贈

也茂曰茂豈賣公以求榮者乎敕門者秘之居二日跡至茂家乃伏郎臥內令妻隅坐以衣覆之夜以小舟載郎渡五通去而席橐請罪於軍門成功赦茂而授以郎職久之郎改名降於我

天清黃梧薦之總督李率泰題授副將後爲水師提督卒平鄭氏取臺灣焉

臣竊曰特書何爲平臺灣張本也覽施琅歸

國之事蓋與伍大夫相伴荆平昏庸無責焉耳成功傑士胡亦以淫刑失國士乎蓋天將爲

聖主驅除之資彼成功者顛倒於其中而莫自主也五月孫可望疏請明桂王移蹕雲南

王亟召廷臣集議閣臣吳貞毓御史王光廷徐極等勸幸
欽州依元脩闕臣朱天麟力請幸滇言元脩屢敗之餘衆
不滿千棲依海濱其不足恃明矣雲南山川險阻雄師百
萬北通川陝南控荆楚亟宜移蹕以堅可望推戴之心慰
中外臣民之望貞毓等力持不可遂寢其議

明命大學士朱天麟經畧左右兩江

天麟幸滇之議既不用乃奉命經畧左右兩江土司以爲
勤王之助

明命翰林院舉堪任曰講記注官

詔曰頃以大行孝正莊翼康聖皇太后喪憂戚之中不遑
視事今值服除當與大臣商決政事卽傳工部修中極殿

翰林院舉堪任日講記注員名以二十七日舉行

徐禕曰特書何譏也梁元帝之談老子陸秀夫之進講義
疇正雖殊迂疏則一高瓊折楊億曰敵騎充斥公能賦一
詩以退敵邪每思之輒失笑也

明朱成功與我

天清兵戰於漳浦之南溪

成功憤廈門金穴之覆率中提督甘輝左先鋒鎮蘇茂中
衝鎮藍登宣毅左鎮杜輝援勦後鎮陳魁左衝鎮郭義右
衝鎮蔡祿後衝鎮林明前衝鎮統領余新奇兵鎮楊祖督
武鎮藍衍等從南溪登岸我漳州總兵王邦俊列陣於礮
窟以待杜輝藍登奮勇爭先矢將盡少怯余新楊祖蔡祿

陳魁左右夾擊之邦俊遂潰閉城不出

明兵部尙書總督江西軍務揭重熙會師貴溪之百丈礮兵潰被執

張自盛旣敗死重熙乃走依曹大鎬至百丈礮適大鎬還軍鈴山惟空營在衆乃就營炊食游騎偵得猝招大軍圍之射重熙中頂大呼曰我揭閣部也擁去至崇安邑令勸之降叱曰小子亦讀書不識綱常名教邪抵建甯兵備道某者與有舊出迎之俯揖不敢仰視重熙瞪目詈之遂下獄大鎬兵敗入閩亦被執於寧陽關械至南昌殺之

明星子生員吳江兵潰前督師余應桂死之

應桂旣敗於落星湖復傾貲募衆聞吳江兵潰往援之我

得帥楊捷以步騎奄至城下應桂與子諸生顯臨同被執見殺江星子諸生也虎子起兵應南昌

王師克九江江返南康謀據湖結壘開先寺已敗走都昌得舊鎮將張士彥之標將黃才兵二百人部勒之將復舉才陰款於我執江以獻論死

臣竊曰金王之亂託名恢復故國一時耆宿如揭重熙傅鼎銓余應桂之徒褰裳相從冀得一當金王死其黨張白盛洪國玉曹大鎬李安民收殘卒入山出沒邵武廣信間與揭傅諸公相應和所謂四大營之亂也願攻取無策掠掠爲生不二年間敗亡晷盡而玉石雜糅無有節俠讀李世熊所著畫網巾先生傳而知有明二百年之上氣蓋不

與鐘簋同銷滅也夫

秋七月我

天清兵分道取舟山

張天祿出崇明馬進寶出台州海門陳錦總督全師出定
海監國會諸將議堵禦之策阮進獨當蛟關張名振督總
兵張晉爵葉有成馬龍英毅將軍阮美阮驥過南師張煌
言阮駿率總兵顧忠羅蘊章鮑國祥阮驛鄭麟都督僉事
李英傑斷北洋都督僉事任麟爲監督留定西中軍金允
彥巡城主事邱元吉安洋將軍劉世勳中鎮馬泰三標營
守城

我

大清兵克台州明魯督餉御史沈履祥死之

履祥號復菴慈谿人崇禎丁丑進士知侯官縣調繁甌甯南都立上治安責成二疏頗見採納魯王監國授御史督餉台州時

王師攻舟山道出台州城陷走山中被獲不屈殺於野家人求其屍得首於桑園得身於積屍中以有服帶可據遂合而紉之以葬焉

明張名振奉監國魯王攻吳淞

名振以蛟關天險又海上諸軍熟於風信敵必不能猝渡乃留阮進守橫水洋大學士張肯堂以兵六千守舟山自率兵奉監國搗吳淞以牽制之或謂曰物議謂公藉此避

敵名振曰吾母妻子弟皆在城中吾豈有他心哉遂發既而舟山不守大學士沈宸荃每咎其恃險輕出以致敗後宸荃艤舟南日山遭風失維不知所之故時有疑名振覆之以弭謗者

徐鼎曰全祖望云論者謂定西挾監國以逃而特覆沈公以弭謗是時一門眷屬盡在危城勵勵挾王以逃則必無是理鼎嘗讀汪光復航海遺聞而知名振奉監國航海之行不可以成敗論也方舟山戒嚴監國攜世子欲登舟名振諫曰臣母老年不敢輕去恐寒將士心主上督率六師躬擐甲冑是爲有辭世子豈可遽去將爲民望邪大人情莫不樂生惡死監國既有登舟之行不可以援而止之而

止而君臣死守孤城勢將坐困不得已而出搗吳淞既不
逆監國遠避之旨且批亢擣虛形格勢禁於彼此犄角之
謀亦較得名振所云躬擐甲胄是爲有辭者蓋亦死中求
生之策也被耳食者何知哉

八月乙巳朔明兵部右侍郎傅鼎銓猶在南昌獄論降不屈
死之

是日得處決旨衆爲涕泣鼎銓揚揚如平時聞吹角聲曰
可以行矣語左右曰我不畏死不可縛徐行至順化門南
向再拜行刑者請跪叱曰自被擒來爲誰屈者今日欲
我跪邪坐橋上手整領衣就刃行刑者手顫墮淚初鼎銓
以北都之亡污賊命爲鄉人所鄙嘗欲求一死所以自濫

先置木主書死年而空其月日死後搜箐得之

丙辰明魯兵部右侍郎王翊招兵奉化被執不屈死之

七月翊聞

王師三道下舟山乃復入山集散亡爲援而諸將死亡殆盡旁

皇故寨二十四日夜有大星墜地野鳥驚噪父老憂之詰

朝將由奉化出天台至北溪爲圍練兵所執部下參軍蔣

士銓從之過奉化題絕命詩每日束幘掠鬢謂守者曰使

汝曹見此漢宮威儀也八月十三日我羣帥畢集於定海

總督陳錦訊之翊坐地抗聲曰毋多言成敗利鈍天也汝

又何知羣帥憤其積年倔强聚射之中肩中頰洞脅者三

如貫植木不少動斧其首始仆時年三十有六從翊者二

僕一日石必正一日明知不肯跪掠之則跪而向翊並殺之梟翊首於甯波之西門故按察副使陸宇燁亦鄞縣六狂生之一也與錢肅樂故部將江漢翊部下毛明山以計竊其首歸藏之密室每寒食重九招同志祭之賦詩慟哭雖家人莫知其爲誰祭也越十二年爲康熙癸卯宇燁以海上事牽連入獄有司籍其家既去其女屏當遺棄於櫃中得一錦函啓之則赫然人頭也宇燁之弟宇燦哭之曰此王侍郎頭而得不爲有司所錄天也東蒲爲身瘞之宇燁出獄不及家而死翊死遺一女年十三許嫁黃宗義子以例沒入黥貴家參領某憐其爲忠臣女撫之如所生有劉弁者求之女不可參領難之女突出所佩劍自刎死參

領大驚以劍殉葬焉

丙寅明魯蕩湖伯阮進與我

天清兵戰於定海之螺頭門敗績與岐陽王裔孫李錫祚皆死之

壬師試舟海口阮進邀擊之以三舟突陣奪樓船一戰艦十艘十一人而縱之還丙寅大霧咫尺不相睹頃之

壬師悉抵螺頭門致日即蛟門亦名定關守陣者方覺適進自海門退遇

之橫水洋以火毬擲我舟風反師燬進面爛焉錫祚往救

之被創力竭同投水死致日紀畧謂進投水死而汪光復

命昇進招撫守城將士不從攻之不下被殺傷以二千計似進未嘗死者存之俟攷

九月丙子舟山星隕如雨是日城陷明魯元妃張氏及大學

王張肯堂禮部尙書吳鍾繼兵部尙書李向中吏部侍郎朱永佑等皆死之定西侯張名振遂奉監國魯王歸於海

安洋將軍劉世勲左都督張名揚統精兵五百義勇數千與

王師背城戰殺傷過當名揚名振弟也九月初一日乙亥中軍金允彥主事邱元吉以城中火藥盡跳城降城中鬻其子而呼名振還救

王師知救兵到攻益急夜半星隕如雨遠近大駭午刻諸軍力不支城陷時名振會師火燒門外離城六十里候潮長進發突見城中烟焰蔽天知不可救乃解維去尋聞母范氏妻馬氏弟名揚偕其幼弟及妾閨門舉火自焚死慟哭曰

臣談國誤家死不足贖奮身欲投海監國與諸將救之乃止乃復扈監國航海明年春次於鸞門事詳後元妃張氏者鄧人初以丙戌春入宮次會稽張如下江上之潰總兵張國柱劫宮嬪於海妃在副舟中獲免伏荒島數日飄泊至舟山而監國已入閩張肯堂遣官護之達長垣監國冊爲元妃嘗言會稽張妃父國俊事妃嘆曰是何國家是何勲戚而尙爾爾乎凡親族之至者悉遣之劉世勲之出職也議分兵送宮眷出妃傳諭辭曰將軍意良厚然鴟鵂鯨背之間懼爲奸人所賣則張妃之續也願得死此淨土城陷整簪服北向拜投井死義陽王妃杜氏宮娥張氏並從之錦衣指揮王朝相內臣劉潮昇巨石填井卽共刎其旁

張肯堂嘗於邸中築雪交亭夾一梅一梨花開則兩頭相
接嘆謂部將都督汝應元門生禮部主事蘇兆人曰此吾
止水也兆人曰公死兆人必不獨生又撫孫茂滋顧應元
曰下官一縷之託其在君乎應元曰諾於是毅然去披緇
普陀寺爲僧而兆人始終相從城陷之先一夕吳鍾鑿至
相與作永訣詞

攷曰肯堂詞云虛名廿載誤塵寰晚節空餘學圃開難賦歸來如靖節聊歌正氣積

力山君恩未報徒長恨臣道無虧在克勤寄語千秋青史
錄大冠二字莫輕刪後制府以二十金贖此手蹟一老兵
得之以獻賞之不受曰我志在表揚忠義豈爲金邪附志之

因謂家屬曰毋爲人辱比

晨集雪交亭蟒玉南向坐視其四妾方氏周氏姜氏畢氏
及冢婦沈氏卽茂滋母女孫茂漪先後就縊投井死諸婢
僕婦之從死者復十九人呼茂滋曰汝可不死甫自引縊

家人報蘇儀部縊廬下

攷曰兆人絕命詞曰保髮嚴臣節扶明一死生孤忠惟自許義重一

身輕又黃龍祺之死舟山傳其獄中詩自肯堂鍾密以下皆和之兆人有句云不改衣冠可爲士謨移頭面卽成魔

錄之 亟呼酒往酌之曰君少待我遂復入縊以卒中軍

將林志燦林桂掖茂滋行甫出門而亂兵集茂滋脫去而

志燦桂與守備吳士俊家人張俊彭歡皆格鬪死明日應

元自普陀奔入城請於大帥瘞之普陀之茅山後茂滋卒

應元築菴墓旁以終鍾密初見朝政盡歸武臣嘆曰當此

之時惟見危投命是天下第一等事避世深山亦天下第

一等事都御史黃宗義嘗招之居四明山答以書曰故人

有母固應言歸老生從王所在待盡而已遂退居普陀間

舟山師殲乃慷慨謂人曰昔吾師高忠憲公

攷曰謂吾弟高孝龍

子李仲達

攷曰請李應昇

死瑤禍吾友馬君堂

攷曰謂馬世奇

死國難吾

皆爲詩哭之吾門生錢希聲

攷曰謂錢肅樂

從亡死吾子福之俱

義死吾亦爲詩哭之今老矣不及此時尋一塊乾淨土卽

一旦疾病死何以見先帝謝諸君於地下哉乃渡海入城

與肯堂訣曰吾於前途待公至文廟右廡奉先師神位舉

火自焚死

攷曰鍾繇絕命詞有云只因同志催程急故遣臨行大浣衣之句

李向中既晉

尙書見悍帥迭起事不可爲嘆曰此所謂是何天子是何

節度使者也問左右絕粒幾日可死曰七日曰何緩也城

陷嘆曰先帝以治行拔向中曩不死希得當以報耳今不

如一決之愈也我死幸投我海中以志恨召之不至捕之

則衰絰入見我大帥問曰召君不來捕如來何也曰召則

恐論降捕則僅就戮耳翔武而出乃就戮朱永祐時病不能起被執令薙髮曰我髮可薙何待今日斫其脅死僕負屍出城血涔涔不止僕哭曰主生前好潔今無知邪血應聲止同時殉難者多於南北兩都論者謂

王師南下所不易拔者江陰涇縣合舟山而三文臣可紀者邇

政使會稽鄭遵儉兵科給事中鄞縣董志甯六狂生之一也定西監軍御史餘姚梁隆吉俱全家自殺吏部主事顧建林瑛與妻陳氏分梁自殺楊鼎臣投井死戶部主事蘇州江用楫禮部主事會稽董元兵部郎中江陰朱養時主事福建朱萬年長洲顧珍臨山衛李開國次日航海遺聞作楊開國工部主事長洲顧宗堯次日一所正鄭韓貽仲明中書舍

人山陰顧玠陳所學

攷曰航海道聞又有江中祀顧行翁健三人而南遷經史摭遺則云陳所

學字額行亦無江中祀翁健名是否顧副使馬世昌或全

行爲陳所學字非另一人存之俟攷家投井死或全家自焚死太醫院副使章有期率御醫章

廣等自焚死武臣則自安洋將軍劉世勲以下錦衣衛李

向榮總兵馬泰副將軍登雲杜芳夏霖解龍朱起光沈雲

曹維周韓紹琦夏時霖張聖治薛三冑任則治章自齡等

率兵民巷戰死諸生則張名甲定西侯名振之兄也順天

顧明楫名振之幕賓也名甲奉祖先木主自焚死明楫衣

巾入太廟題詩壁上

攷曰詩有愁魂應傍孝陵歸之句

扼吭死又有福建

林世英亦諸生也馬呈圖貢圖名振妻馬氏之姪也此外

則湮沒無可考焉魯世子被獲或曰有義士申殺者潛挾

以去然亦莫知所終云

明陳邦傳誘殺宣國公焦璉率潯州總兵李時方有聲副總兵鄧景監軍道楊兆文知府何允中等以叛降於我

天清

慶國公陳邦傳與其子文水伯陳曾禹遣使至梧州通於孔有德璉不知也邦傳與璉爲兒女戚誘之來而說降璉不屈自刎死邦傳乃率潯州文武降有甯端伯茅文憲者亦爲邦傳所脅繳印降尋悔恨死

臣竊曰書誘殺書率何誅首惡也

陳邦傳以我

大清兵取平樂明左軍都督朱閔如死之

閔如臨桂人官左軍都督掛鎮西將軍印據城堅守城陷南望再拜先殺妻子自刎死

陳邦傳以我

天清兵取清遠衛明指揮白常燦死之

常燦本衛人邦傳以兵至常燦不知其叛也迎之既知則大怒唾其面罵不絕遂死於亂刃下

壬寅明桂王自南甯出奔

初王欲移蹕羣臣以兩江瘴癘秋甚於夏請俟霜降後會潯州報至遂倉卒登舟

明朱成功復攻漳浦

我鎮將王邦俊赴援爲成功部將甘煒所敗追至馬口始

退

冬十月辛亥明桂王次新甯

明冊尊生母馬氏爲太后

上徽號曰昭聖仁壽皇太后

明立子慈烜爲太子

劉文秀取嘉定明總督李乾德死之

初王自奇至川南袁韜武大定拒之聞文秀至撤兵還賊六戰六勝有輕敵心俄而文秀以大兵壓其前自奇泝流擊其尾大敗就擒遂降乾德以其父明舉死於西充之難也語其弟升德曰吾不可以再辱闔家赴水死而蜀人惡其殺楊展曰賊入川實彼召之雖死無稱之者

明于大海降於我

天清

劉文秀既取嘉定順流東下而前破遵義時所遣別將盧名臣者入涪州李占春逆戰於羣豬寺口而敗大海在忠州聞之知不支遂放舟出夔門入楚降於

王帥諸將盡散無敢應敵者譚宏譚詣譚文皆降於文秀
我

天清兵取眉州明向成功死之

成功以衆五千據石佛棧

王師破其柵成功中流矢卒

十一月丙子明兵部尙書兼右副都御史總督江西軍務楊

重熙猶在建甯獄論降不屈死之

攷曰三藩紀事本末以爲初三日事

重熙在獄門人舉人陳士道貢生朱國龍隨之賦詩慷慨
日整衣冠拜呼高皇帝祈死同斬於市僕人戴貴戴鳳亦
殉之臨刑雙瞳如生重熙好談兵知調度而所部多執袴
子弟事剽掠張自盛一軍尤暴橫流毒村落者幾二年當
時固多怨也及其歿而無不哀之

徐鼎曰方曾留守之以揭傳並薦也隆武帝以傳汚賊命
故抑之而揭每事與傳偕同入關同入贛同入山傳能改
過揭能知人其交誼有古風焉夫吳起何以見絕於子思
匡章何以禮貌於孟子蓋觀過有術取友必端故錙金湖
事也而割席不爲褊臠固刑餘也而納交不爲濫

明李元胤疏請桂王駐防城不許

明朱成功與我

大清兵戰於小盈嶺

我提督楊名高聞王邦俊馬口之敗統興泉諸營進勦時
天氣嚴寒名高謂諸將曰海賊赤腳可乘冰凍擊之唐兵
進至小盈嶺勝負未分忽成功營連發三礮嶺左右伏兵
齊起名高隊大亂死者甚多遂退駐泉州

十二月甲辰朔我

大清兵取明賓州

庚戌我

大清兵取南甯明趙印選胡一青敗走

攻曰紀畧云庚午破南甯按庚午是二十七日

於時事不合行朝錄以爲初七日孫可望遣兵迎桂王入雲南
事當得實也則庚午乃庚戌之譌

報至馬吉衆請王速行乃由水道走土司抵瀘瀘二將報
王師逼近止百里上下失色從官多散去乃更焚舟登陸已次
羅江追騎相距纔一舍會日晡引去乃由安平下雷歸順
一路進發諸蠻供糧餉並從官夫役時可望既受秦封乃
遣其將狄三品陳國能高文貴率兵三千迎駕
明故少傅朱國禎之孫某起兵湖州之南潯鎮與

天清兵戰於白龍橋敗績死之

朱某者失其名烏程朱國禎之孫也
史有傳明起兵南潯有
衆數千出沒吳淞泖澱間與

主帥轉戰白龍橋北被執語不屈我大帥斷其喉友人某潛抱屍以楮封喉殮之妻某氏一慟而絕既蘇日夜哭竟斷腸死

攷日本釋史引鄭元慶湖錄

明朱成功取漳浦遣使通好於日本國

成功乘勝進攻漳浦守將楊世德陳堯策出降授世德英兵鎮堯策護衛前鎮英義將軍阮駿自舟山來歸我海澄守將郝文興亦遣人通款成功以人多餉乏爲憂參軍馮澄世曰方今富足莫如日本前翁太夫人來歸國王意甚厚若以甥禮通之借彼地產以足吾用然後下販呂宋暹羅交趾諸國源源不絕則糧餉足而進取易矣成功然之既獲日本鉛銅之助又以黃愷爲徵餉官督徵泉漳福興

沿海軍餉

小册紀年增攷卷第十七

同里	福州	鎮甯	宋	左夫	光伯
受業	謝定	順林	太冲	善	參校
汪達	宗善				
利					